

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowantsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya jantema painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowanta*

<sup>2</sup> Pacata tsipaebeibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowantsiwi”, pajan tsaibi Nacomtha. <sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano,

bichocono necaantobexae daxota ayapusya cata nacuita dubenanaebiya. Maisa bichocono barapomonaе wуnae ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha.

<sup>4</sup> Paxam pomonaе painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonaе paca exanaetsi.

<sup>5</sup> Poxonaе Nacom pia pecapanenebiyaе diwesi jume paca tsipaebatsi jopa saya meisa u pata jume. Jame apara Nacom pia Pejumope tynaxu tatsi pia peayapusu itorobi coyenewatha tatsi pana yawena, xua pata cueicueijeiwa. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonaе beta exanapona pon jiwi Pecanamataxeinaein. Bequein ichamonae atene paca exana painya nejume cowantsixae Jesucristo, ichitha barapo diwesi awiya juntu coyene weiweinaya pajume cowantame. Barapo pejuntu weiweinaе coyene Nacom pia Pejumope tynaxu tatsi paca cata.

<sup>7</sup> Baxuan painya neexanaexae daxota ichamonae pomonaе pejume cowantsiwi Jesucristo, pomonaе Macedonia nacuariwi, barapomonaе exana pocotsiwa paexaname. Iru baxuan exana

pomonae Acaya nacuanpiwi. <sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuapiwi jume tane. Jopa meisa barapo nacuabepiwi bara apara daxita nacuanpiwi iruru jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa panantawenonaeyno xua paca yabara paebatsi ichamonaetha. <sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wuna pajainteibame pabebam painya nejume cowantsixae Nacom. Matautano paca yabara paeba xua bapoxonae patamropatarucupame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein. <sup>10</sup> Matautano barapomonae pana netsipaeba xua pinae paxam Jesús pawuna ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petupae coyene cuiru weya. Barapon Jesús naca napaeba exanaena Nacom beya, poxonae Nacom copatsina xua jiwi bichocono peraxa jubebinchi abe peexanaexae.

## 2

*Meje yabara po coyeneya Pablo tanacuita  
Tsalónica tomarapiwi*

<sup>1</sup> Patamonae paxam pomonae pam pomonae iru painya nejume cowhntsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi. <sup>2</sup> Poxonae Filipos tomaratha paponan, barapomonae abe pana exana. Yawa tsamu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinexatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonae pana jume matawenta. <sup>3</sup> Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. <sup>4</sup> Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinexa pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban. <sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara

paexanaeinyo. <sup>6</sup> Jopa bapana paichichipaeinyo xua jiwi wɥnae pata tanejainchiwa, xua poxonae metha bequein bara barapomonaе pam, ichacuitha xua poxonae bequein ichamonae irɥ. <sup>7</sup> Bequein paxan pana itacɥpa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wichitiya yayawenapona. <sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata jɥntɥ coyeneintha. ¡Bara jopa juniya pata paca antobewatsi! <sup>9</sup> Patamonae pam, paxam pomonaе irɥ painya nejume cowɥntsixaе Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matacabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca naci matowa xeina exanatsi poxonae paca cuidubatsi Nacom Pejume Diwesi.

<sup>10</sup> Paxam pomonaе painya nejume cowɥntsixaemxae Jesucristo pana yaputaneme irɥ Nacom pana yaputane xua jɥntɥ coyene xanepanaya pata jinompaewa painya xantha daxita carepaya paxamtha. Matautano Nacom patsita jɥntɥ coyene xanepanan, xua

penatsicuentisiwa jopa bapon patsita xeinaeinyo. Daxota ichamonaē jopa pana neyabara paebiyo xua abe pata pacata exanaewatsi. <sup>11</sup> Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonaē bichocono paanthuthutanem tsaibi xua abe painya nepacata exanaexae ichamonaē. Daxita barapo coyenein bara paexanan icha be pocotsi coyeneya coxiyan cana ichiya exana pia pexuitha. <sup>12</sup> Paca itorobatsi xua bewa beta pajinompae, icha pomonaē Nacom pejume cowantsiwi ichi xua bewa beta jinompae. Baraxua paexande poxoru Nacom paca wan duba piamonaē painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanaē coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonaē patsipaeban jinya jume diwesi. Barapomonaē nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexeiawa pomonaē painya nejume cowantsixae Jesucristo.

14 Patamonae pam. Ichamonae atene paca exana pomonae painyamonae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntacoyenetane exainchi pomonae piamonaexae pomonae judiomonaexae. <sup>15</sup> Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi. <sup>16</sup> Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentsexae abe peexanaexae bapontha.

*Meje yabara xua equeicha Pablo besiwa pon-aena Tesalónica tomarapiwi*

17 Paxam pomonae patamonae pam, poxonae bequein paxan tajm paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itax-aneibixaetsi. Bichocono paichichipan xua pata paca cataewatsi. 18 Paxan matowa paichichipan xua caewa pata paca siwa ponaewatsi. Xan, Pablon, ichacuiitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. 19 Ichichipan paca siwa ponatsi poxoru paxam pana necana exaname xua pajuntm coyene weiweinan. Barichi paxam pomonae pana necana exaname xua pawnae ewatan. Barichi paxam pomonae pana necana exaname xua matowa payabara paeban pocotsiwa xua paexanan poxonae paca cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname. 20 Xaniwaicha paxam pomonae pam pana nejuntm coyene weiweina cana exaname. Matautano paxan pomonae pana necana exaname xua paca yabara wnae jainchinchi Jesucristo peitabaratha poxonae bapon peitabaratha tatsi paca baru umenaeinchi beta painya neexanaeae.

### 3

1-2 Jopa pana itacupaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowanta Nacom painya pia paca necataenexa tsanebe.



Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacupatsi xua ajuntucoyeneyapusu paca cana exana. Matautano itacupatsi xua paca juntu cui tsacaba exana xua awiya mataropeichiya painya nejume cowantaponaenexam Nacom.

<sup>3</sup> Baroxonae dapon aibi tsane paxam jiwana pon ajuntucoyenefaetabiya jume cowanta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowantsixae Jesucristo.

<sup>4</sup> Matautano poxonae cataunxuae paca baru enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno.

<sup>5</sup> Tsipei xan jopa neitacupaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowanta dubenanaebiyame Jesucristo?” jei. Baxua beyaputaen tajunuwixae xua caurimonae pia pentacaponaein tatsi pon jiw pejuntu coyene jujutsin paca cui jujutsipa xua abe painya neexanaewa tsane. Baroxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowantsixaem tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowanta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana netaename, icha paichin xua bena tapaca taewatsi tsainchi. <sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntũ coyene sadujan poxonae pajume tan xua pinae beta pajume cowanta dubenanaebiyame Jesucristo. <sup>8</sup> Poxonae paxam awiya beta pajume cowanta dubenanaebiyame Jesucristo, pon jiwi Pecanamataxeinaein, baxua pajuntũ coyene sadujan pata jinompaewatha Nacom nexa. <sup>9</sup> Anoxuae pana itacupa xua pata jeiwa: “Nacom maisa pajuntũ coyene weiweinan Tesalónica tomarapiwi beta necajume cowantsixae”, pata jeiwa. Paxam pomonae pana nejuntũ coyene weiweina cana exaname poxonae Nacom patsipaeban. <sup>10</sup> Matacabintha, merawinthano Nacomtha pacata waqueibatsi. Nacom pawaqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa

irꝥ Jesús pon jiwi Pecanamataxeinaein pana yawenaena xua pata paca casiwa ponaenexatsi. <sup>12</sup> Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. <sup>13</sup> Matautano paichichipan xua Nacom pon Waxa, painya nepaca cana exanaenexa xua bichocono painya nejuntꝥ coyene xanepanaewa. Matautano paichichipan xua Nacom pon Waxa bichocono ajuntꝥyapusꝥya paca cana exanaena. Baroxonae paxam bichocono Nacom tsita juntꝥ coyene xanepanaeinchi. Baroxonaeno jopa patsita natsicuentsem tsane abe painya neexanaexae bapontha. Barapocotsi jꝥta coyene awiya paexanaponaename beya poxonae Jesús pon Wanacanamataxeinaein, piamonae barꝥ patopeicaena daxita.

## 4

*Meje yabara po juntꝥ coyeneya bewa jiwi tajinompae Nacom po coyene xua Nacom tsita xanepanatsi*

<sup>1</sup> Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara

paichinde. Bayatha paca cuidubatsi xua bewa equeicha mataropeichiya payajuntũ coyene jinompaem po juntũ coyene xua Nacom tsita xanepanatsi. Mataũtano anoxuae equeicha matowa paexanaponde barapo coyenein, po coyenein xua anoxuae paexanaponame”, paca jeichi.

<sup>2</sup> Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein.

<sup>3</sup> Xua jame Nacom pocotsiwa ichichipa xua paxam bewa bichocono juntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi.

<sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Mataũtano bapon bewa baru cui itura jinaena piowa pia peantobexae. Daxita barompaya pebiwi pam bewa irũ bara paichim tsane.

<sup>5</sup> Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae

abe nanta xeina nawita xua yabũxi yabara xua penaquentsiwa yabara. Barapo coyene

painya xoba paexaname. <sup>6</sup> Jopa paexanaeinde barapo abe peexanae coyenewatha pontha pon irũrũ pejume cowũntsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein

bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. <sup>7</sup> Nacom jopa naca w<sub>h</sub>n dubiyo piamonae wanaca exanaenexa xua abe waexanaponaewa tsane. Jame apara Nacom naca w<sub>h</sub>n duba xua j<sub>u</sub>n<sub>t</sub>a coyene w<sub>h</sub>naeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi. <sup>8</sup> Pon jume itaweta po coyene xua ich<sub>u</sub>n pepichiwa yabara xua ich<sub>u</sub>n piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope t<sub>u</sub>nax<sub>u</sub> tatsi xua painya yawa jinompaenexa.

<sup>9</sup> Po peantobewa xaina pomonae pejume cow<sub>u</sub>ntsiwi Nacom, xua nantiya caemonae penaantobewa, xan jopa nantawenonaeyino xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. <sup>10</sup> Bara baxua paexaneibame xua paantobe tsurubenaebiyam daxita pomonae jinompa Macedonia nacuatha, pomonae pejume cow<sub>u</sub>ntsiwi Nacom. Ichitha paxam patamonae pam painya nejume cow<sub>u</sub>ntsiwixae Nacom, paca itorobatsi xua awiya mataropeicha paantobe tsurubenaebiyama equeicha matowa. <sup>11</sup> Bichocono paichichipare xua painya neexanaewa xua po coyene meje: J<sub>u</sub>ntema parubenaebiyama, xua jopa pana najume matsontsonoba dubenaebiyam. Mata<sub>u</sub>tano

painya xoba patsipaebeibame ichamonaetha po coyenein barapomonaе bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi. <sup>12</sup> Icha barapocotsiwa paexanaename ichamonaе pomonaе jopa Nacom pejume cowantsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonaе pawucame pocotsiwa xua panantawenoname.

*Meje yabara poxonaе Jesucristo pon jiwi Pecanamataxeinaein equeicha caewa patopaetsica*

<sup>13</sup> Patamonae pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya rajinompame icha be ichamonaе ichi pomonaе jopa pejume cowantsiwi Nacom. Barapomonaе be wecoyeya jinompa jopa xanepanaya pewunaе ewatsixae po coyene xua poxonaе petupaewi equeicha asu tsane. <sup>14</sup> Waxainchi jume cowantatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonaе bayatha werapa. Barapomonaе pejume cowantsixae Jesús, poxonaе werapa asu jujuina exanaeinchi xua Nacom exanaena. Nacom barapomonaе baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa. <sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueijeji matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowantatsi xua pomonae bayatha yacui werapaeya othopa bapomonae copiya asu jujuina exanaeinchi. <sup>17</sup> Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucaetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. <sup>18</sup> Daxota barapo jumetha caemonae nantiya pana najantu coyene tsacabare xua painya neyaputaewa tsane, po coyene xua pewerapaewi yabara.

## 5

<sup>1</sup> Patamonae pam, jopa nantawenonaeinoyo

xua yabara pacata tinatsi matacabi, yawa dapae yabara xua poxonae Jesucristo pepatopeicaewa tsane. <sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. <sup>3</sup> Poxonae jiwi jei tsane: “Maisa juntema jinompatsi tsipei daxita wuna tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacypae tsainchi xua panenebiyaena barapo peatenewa weya. Jiwi atene exanaeinchi icha yabyo ichi xua bichocono bewa atene tsane xua pexuyo poxonae naexanaena. <sup>4</sup> Patamonae pam, paxam jopa dapocotsimonae pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. <sup>5</sup> Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. <sup>6</sup> Pomonae jopa pejume cowantsiwichi Jesucristo barapomonae jopa tsaca jinompaeyo xua pewuna ewatsinexa Jesucristo pia pepatopeicaewa tsica tsane.



Barapomonae be pocotsimonae xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompawea poxonaewanae ewatatsi Jesucristo pia pepatopeicaewa tsica tsane. <sup>7</sup> Pomonae ba xua maita, bara merawi maita. Iruu pomonae ba cupatsi peatsaxa mera, bara merawi cupatsi. Daxita barapomonae jopa xapain Jesucristo wanae ewatichi. <sup>8</sup> Ichitha waxainchi wajume cowantsixaetsi Jesucristo, daxota bewa juntu coyene coxonaetsi xua tsaca jinompatsi xua wawanae ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wanae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi. <sup>9</sup> Nacom jopa naca itapetsiyo xua wanaca atene exanaenexa wanatsicuentxiwaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamataxeinaein. <sup>10</sup> Jesucristo naca tsitupa naetotha wanaca baru jinompawea tsane pia nacuatheicha, bequein waxainchi

bayatha werapatsi, yawano ichacuitha bequein waxainchi awiya asu jinompatsi, poxonaē bapon patopaetsica. <sup>11</sup> Daxota paxam bewa awiya daxita nantiya pana najuntu coyene tsacabim. Matauta bewa nantiya pana naajuntu coyenesu exanaem beta painya nejume cowuntsinexa icha paichiponaem xua anoxuae paexanaponaem.

*Meje yabara xua Pablo muxuweta pomonae Jesucristo pejume cowuntsiwichi*

<sup>12</sup> Patamonae pam, paca muxuwetatsi xua pabarū cui itura jinare pomonae painya xantha Nacom tanacuitatsi xua pomonae paca matacapona. Barapomonae paca muxuweta xua Jesucristo pon jiwī Pecanamataxeinaein pecui itorobixae abe painya neexanaeyainwa. <sup>13</sup> Bewa barapomonae beta pabarū cui itura jinaem peainya cui jiwixae. Matautano bewa bichocono paantobem xua barapomonae betiya painya nepaca mataxeinaexae. Daxita pam nantiya junte ma jinompa pana naexande.

<sup>14</sup> Patamonae pam, paca itorobatsi xua jume daunweya pamuxuwere pomonae afaetabi xua penacuichiwa. Pajuntu coyene cui tsacabare pomonae junte coyene junuwiya jinompa ichamonae atene peexanaexae barapomonaetha. Matautano payawende pomonae jopa ajuntu coyenesuya jinompaeyo Nacomtha. Bewayo payawende barapomonae xua jopa painya neaitaconaewam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya

pajumuteibare xua nantiya painya nenata exaneib-  
inexa, xuano iru daxita jiwino.

<sup>16</sup> Barabu tsitecaeya pajuntu coyene weiweina  
dubenanaebiyama. <sup>17</sup> Daxita matakabi Nacomtha  
patsipaebeibare matowa. <sup>18</sup> Daxita pocotsiwa  
pacata exana bequein jopa pacata wanaeyo,  
ichitha awiya barapocotsiwan yabara Nacomtha  
patsipaebeibare, pajam tsaibinde: “Nacom  
maisajuntu coyene weiweinan xua pata  
tana neyawenaewam poxonaebeyon painta  
daunwei tsaibi”, pajam tsaibinde. Poxonae  
baxuan papaebame bichocono Nacom tsita  
xanepanatsi painya neexanaexae pocotsiwa  
Nacom ichichipa Cristo Jesús pia paca baru  
jinompaexae.

<sup>19</sup> Jopa paitawetsinde Nacom pia Pejumope  
tunaxu tatsi poxonaebeyon paca itoroba pocotsiwa  
bewa paexanaem. <sup>20</sup> Jopa pajume itawetsinde  
po diwesi xua ichamonae paeba pomonae Na-  
com Pejume Diwesi pepaebiwi. <sup>21</sup> Incane pajume  
taema daxita po diwesi xua barapomonae paeba  
icha bara metha xaniwaicha po diwesi pona  
Nacom weya. Saya paitapere po coyene xua pex-  
ainyeiwa. <sup>22</sup> Daxita po coyenein peabe coyenein  
panaitemare xua jopa painya neexanaewam abe  
peexanaebeyon.

<sup>23</sup> Bara Nacom, pon junte ma jinompa naca  
exana, barabu barapon paca juntu coyene  
ayarusu exanaena xua jupa paca cana exanaena  
icha bapon ichi xua juntu coyene xanepana.  
Matautano barabu Nacom paca juntu coyene  
xanepana exanaena painya nejinompaewa tsane  
bapon nexa xua jopa painya nexainaewam

penatsicuentsiwa xua abe painya neexanaexae bapontha. BarabꞰ Nacom beta paca jumope eenaena, yawano xua painya jꞰntꞰ coyenewa, mataꞰtano xua painya pepon xua Jesucristo nexa pon Wanacanamataxeinaein xua beya poxonaebapon patopaetsica. <sup>24</sup> Nacom ponxae xua paca wꞰn duba pia paca exanaenexa piamonae tatsi, bapon xainyeya pepaebin. MataꞰtano bapon exanaena pocotsiwa xua bayatha yabara paca tsiwꞰnae muxu duta.

*Meje yabara xua Pablo najume wetsiya paeba*

<sup>25</sup> Patamonae pam, painta Nacomtha wꞰqueibare.

<sup>26</sup> Antobeya painta jacobare daxita pomonae patamonae pomonae Jesucristo pejume cowꞰntsiwichi.

<sup>27</sup> Xan paca itorobatsi tsipei Jesucristo, pon jiji Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowꞰntsiwichi”, paca jeichi.

<sup>28</sup> Jesucristo, pon Wanacanamataxeinaein, barabꞰ paca yawena pia paca necaantobewaxae.

Baja Pablo, irꞰ Silvano, irꞰ Timoteono ponbe necueyatabe.

**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
e9c4c3a0-6dec-54a4-aaba-fb395e5eddc7